

Гарын үсэг зурж баталгаажсан болно.

Олборлох үйлдвэрлэлийн ил тод байдлын санаачлагыг үр дүнтэй хэрэгжүүлэх зорилгоор оролцогч 3 тал Засгийн газар, компаниуд, төрийн бус байгууллагын эвслийн хооронд байгуулсан хамтын ажиллагааны санамж бичиг

Нэг. Оршил

1. Олборлох үйлдвэрлэлийн ил тод байдлын олон улсын санаачлагын зорилго, зарчим, шалгуур үзүүлэлтийг Монгол Улсын оролцогч 3 тал хүлээн зөвшөөрч, сахин баримтлахаа илэрхийлж,

2. Олборлох үйлдвэрлэлийн ил тод байдлын санаачлагыг хэрэгжүүлэх хүрээнд нягт хамтран ажиллахаар тохиролцож,

3. Компаниуд болон Засгийн газар санаачлагын тайлан гаргаж улсад төлсөн болон хүлээн авсан албан татвар, төлбөрөө нийтэд мэдээлэх нь олборлох үйлдвэрлэлийн ил тод байдлыг хангах, авилгал хээл хахуулиас урьдчилан сэргийлэх, үйлдвэрлэлийн тогтвортой хөгжлийг хангахад онцгой үүрэгтэйг оролцогч 3 тал хүлээн зөвшөөрч,

4. Олборлох үйлдвэрлэлийн ил тод байдлын санаачлагыг газрын тос, эрдэс баялыг ашиглах хүрээнд, мөн Төв Засгийн газрын хэмжээнд төдийгүй орон нутгийн түвшинд хэрэгжүүлэхээр тогтсоноо нотолж,

5. Олборлох үйлдвэрлэлийн ил тод байдлын санаачлагын тайланг олборлох үйлдвэрлэл эрхэлж байгаа компаниуд болон Засгийн газар гарган нийтэд мэдээлж, түүндээ аудит хийлгэн энэхүү санаачлагын хэрэгжилтийг цаашид улам боловсронгуй болгон тогтворжуулж хөгжүүлэхийн чухлыг онцлон тэмдэглэж,

санаачлагад оролцогч 3 тал дараахь агуулга бүхий хамтын ажиллагааны санамж бичгийг байгуулж байна:

Хоёр. Талуудын хэрэгжүүлэх үйл ажиллагаа:

6. Санаачлагад оролцогч гурван талын хамтран хэрэгжүүлэх үйл ажиллагааны чиглэл:

6.1. санаачлагыг хэрэгжүүлэх эрх зүй, зохион байгуулалт, арга зүйн үндсийг боловсруулж хэлэлцэн тохирч бүрдүүлэх;

6.2. санаачлагын тайлан гаргах маягт, зааврыг боловсруулан оролцогч 3 талын оролцоотойгоор зөвшилцөн мөрдөх;

6.3. санаачлагад оролцогч 3 тал бие биеэ хүндэтгэн адил тэгш, харилцан ойлголцсон хамтын ажиллагааг хөгжүүлэх;

6.4. санаачлагын хүрээнд тайлангийн аудитаар баталгаажсан үзүүлэлтийг ашиглах;

6.5. санаачлагад оролцогч 3 талын хооронд гарсан аливаа маргаан, зөрчлийг 3 талын оролцоотойгоор харилцан зөвшилцөн шийдвэрлэх;

6.6. санаачлагатай холбоотой аливаа хяналт шалгалтыг тухайн оролцогч талын удирдах байгууллагын албан тушаалтны баталсан удирдамжийн дагуу явуулах;

6.7. санаачлагыг хэрэгжүүлэх санхүүгийн боломжийг олон улсын жишиг, хууль тогтоомжийн хүрээнд хэлэлцэн зохицуулах;

6.8. санаачлагын тайланд аудит хийлгэж, цаашдын хөгжлийн асуудлыг төлөвлөн хэрэгжүүлэх;

6.9. санаачлагын хэрэгжилтийн явц, байдалд олон улсын холбогдох байгууллагаар баталгаажуулалт хийлгэх.

7. Засгийн газрын хэрэгжүүлэх үйл ажиллагааны чиглэл:

7.1. санаачлагыг хэрэгжүүлэх эрх зүй, зохион байгуулалт, үйл ажиллагаа, санхүү, арга зүйн дэмжлэгээр хангаж ажиллах, энэ хүрээнд хандивлагч олон улсын байгууллага, гадаад орны зөвлөлгөө, тусламж дэмжлэгийг авч байх;

7.2. санаачлагыг хэрэгжүүлэх ажлыг зохион байгуулах, хянан зохицуулах Үндэсний зөвлөл, ажлын хэсгийн хуралдааныг зохион байгуулах ажлыг эрхэлж, санаачлагатай холбоотой аливаа бодлого, шийдвэрийн төслийг ажлын хэсгийн түвшинд оролцогч 3 талын тэгш оролцоог хангасан нөхцөлд, Үндэсний зөвлөлийн төвшинд оролцогч талуудын оролцоог хангасан нөхцөлд хэлэлцэн шийдвэрлэж байх;

7.3. олборлох үйл ажиллагаа эрхэлж байгаа тусгай зөвшөөрөл эзэмшигч аж ахуйн нэгжийг санаачлагад хамруулах, аж ахуйн нэгжээс хүлээн авсан албан татвар, төлбөрийн Засгийн газрын тайланг аж ахуйн нэгж бүрээр болон улсын хэмжээнд нэгдсэн дүнгээр Сангийн яам нэгтгэн батлагдсан маягтын дагуу гаргаж нийтэд мэдээлэх, улмаар санаачлагын бие даасан ажлын албанд тайлагнаж байх;

7.4. санаачлагын хэрэгжилтийн явц, үр дүнг оролцогч талуудын оролцоотой хэлэлцэн дүгнэх, цаашдын зорилтоо тодорхойлж байх.

8. Компаниудын хэрэгжүүлэх үйл ажиллагааны чиглэл:

8.1. санаачлагыг хэрэгжүүлэх бодлого тодорхойлох, шийдвэр гаргах үйл ажиллагаанд оролцогч компанийн төлөөлөлд саналаа өгөх, шийдвэрийг хэрэгжүүлэх, биелэлтэд хяналт тавих;

8.2. олборлох үйл ажиллагаа эрхэлж байгаа тусгай зөвшөөрөл эзэмшигч аж ахуйн нэгж тухайн жилд борлуулсан бүтээгдэхүүний тоо хэмжээ, улсын болон орон нутгийн төсөвт төлсөн албан татвар, төлбөрийн хэмжээг батлагдсан маягтын дагуу гарган нийтэд мэдээлж, уул уурхайн асуудал хариуцсан төрийн захиргааны байгууллагад тайлагнах;

8.3. санаачлагын тайланд орсон тоо баримт нь аудитаар баталгаажсан, үнэн зөв байхыг компанийн удирдлага хариуцах;

8.4. олон улсын жишиг, холбогдох хууль тогтоомжийн хүрээнд санаачлагын чиглэлээр хэрэгжүүлэх үйл ажиллагааг сайн дурын үндсэн дээр ил тод санхүүжүүлж болно.

9. Төрийн бус байгууллагын эвслийн хэрэгжүүлэх үйл ажиллагааны чиглэл:

9.1. санаачлагыг хэрэгжүүлэх бодлого тодорхойлох, шийдвэр гаргах үйл ажиллагаанд төлөөллөө оролцуулж, шийдвэрийг хэрэгжүүлэх, биелэлтэд хяналт тавих;

9.2. санаачлагын тайланг Сангийн яам, компаниуд гарган нийтэд хэрхэн мэдээлж байгаа явц, үр дүнд ажиглалт, хяналт-шинжилгээ хийх;

9.3.төрийн бус байгууллага хийсэн ажиглалт, хяналт-шинжилгээний үр дүнгээ эвслийн хурлаар хэлэлцэн оролцогч талуудад хүргэн шийдвэрлүүлж байх, ажлын хэсэг, Үндэсний зөвлөлд танилцуулах, санал санаачлага гаргах;

9.4.олон улсын жишиг, холбогдох хууль тогтоомжийн хүрээнд санаачлагын чиглэлээр хэрэгжүүлэх үйл ажиллагааг сайн дурын үндсэн дээр ил тод санхүүжүүлж болно.

10. Санаачлагыг хэрэгжүүлэх бие даасан ажлын албаны хэрэгжүүлэх үйл ажиллагааны чиглэл:

10.1.санаачлагыг хэрэгжүүлэх бие даасан ажлын албыг байгуулж ажиллана.

10.2.бие даасан ажлын алба нь олборлох үйлдвэрлэлийн ил тод байдлын санаачлагын өдөр тутмын үйл ажиллагааг эрхэлж санаачлагад оролцогч талуудыг мэдээллээр ижил тэгш хангаж, оролцогч талуудыг зохицуулах;

10.3.санаачлагын тайлан гаргах явцад хяналт тавьж, мэдээлэл цуглуулах, олборлох үйл ажиллагаа эрхэлж байгаа тусгай зөвшөөрөл эзэмшигч аж ахуйн нэгжээс улсын болон орон нутгийн төсөвт хүлээн авсан албан татвар, төлбөрийн тайланг батлагдсан маягтын дагуу аж ахуй нэгж бүрээр болон улсын хэмжээгээр гаргасан Засгийн газрын тайланг Сангийн яамнаас хүлээн авна. Олборлох үйл ажиллагаа эрхэлж байгаа тусгай зөвшөөрөл эзэмшигч аж ахуйн нэгжээс улсын болон орон нутгийн төсөвт төлсөн тайланг аж ахуйн нэгж бүрээр батлагдсан маягтын дагуу уул уурхайн асуудал хариуцсан төрийн захиргааны байгууллагаас хүлээн авна. Хоёр тайланг шалган санаачлагын улсын тайлан гаргах, аудит хийлгэх ажлыг зохион байгуулах;

10.4.санаачлагын хэрэгжилтэд олон улсын баталгаажуулалт хийлгэх ажлыг зохион байгуулж, баталгаажуулалт болон аудитын дүгнэлтийн мөрөөр авах арга хэмжээг төлөвлөн ажлын хэсэг, Үндэсний зөвлөлийн хурлаар хэлэлцүүлэн шийдвэрлэж байх.

Гурав. Санамж бичиг байгуулсан:

Олборлох үйлдвэрлэлийн ил тод байдлын санаачлагыг хэрэгжүүлэгч 3 тал:

Засгийн газрыг төлөөлж:	компанийг төлөөлж:	Төрийн бус байгууллагын эвслийг төлөөлж:
Монгол Улсын Ерөнхий сайд, Үндэсний зөвлөлийн дарга	Уул уурхайн ассоциацийн хүндэт ерөнхийлөгч, Үндэсний зөвлөлийн гишүүн	Төрийн бус байгууллагын эвслийн зохицуулагч, Үндэсний зөвлөлийн гишүүн
М.ЭНХБОЛД	П.ОЧИРБАТ	Ц.ГАНБОЛД
Огноо: 2007.4.25	Огноо: 2007.4.11.	Огноо: 2007.4.6.
Монгол Улсын Сангийн сайд, Үндэсний зөвлөлийн гишүүн	Уул уурхайн ассоциацийн захирал, Үндэсний зөвлөлийн гишүүн	Нээлттэй нийгэм форумын гүйцэтгэх захирал, Үндэсний зөвлөлийн гишүүн
Н.БАЯРТСАЙХАН	П.АЛГАА	П.ЭРДЭНЭЖАРГАЛ
Огноо: 2007.4.25.	Огноо: 2007.4.12.	Огноо: 2007.4.6.

Монгол Улсын Үйлдвэр, худалдааны сайд, Үндэсний зөвлөлийн гишүүн	Монгол-Орсын хамтарсан Эрдэнэт үйлдвэрийн ерөнхий захирал, Үндэсний зөвлөлийн гишүүн	Хүний эрх, хөгжил төвийн тэргүүн, Үндэсний зөвлөлийн гишүүн
Ц.ДАВААДОРЖ	Х.НАРАНХҮҮ	Г.УРАНЦООЖ
Огноо: 2007.4.25.	Огноо: 2006.4.4.	Огноо: 2007.4.6.
Үндэсний статистикийн газрын дарга, Үндэсний зөвлөлийн гишүүн	Монголын алт корпорацийн ерөнхийлөгч, ажлын хэсгийн гишүүн	Миний монголын газар шороо хөдөлгөөний гүйцэтгэх захирал, ажлын хэсгийн гишүүн
П.БЯМБАЦЭРЭН	Б.НЯНТАЙШИР	Б.БОЛДБААТАР
Огноо:2007.3.28.	Огноо: 2007.4.12.	Огноо: 2007.4.6.
Монгол Улсын ерөнхий аудитор, Үндэсний зөвлөлийн гишүүн	Монгол газар компанийн Төлөөлөн удирдах зөвлөлийн дарга, ажлын хэсгийн гишүүн	Онги голынхон хөдөлгөөний тэргүүн, ажлын хэсгийн гишүүн
Л.ЖАВЗМАА	Ц.МЯНГАНБАЯР	Ц.МӨНХБАЯР
Огноо: 2007.3.28	Огноо: 2007.4.13.	Огноо: 2007.4.12.
Ерөнхий сайдын ахлах зөвлөх, Үндэсний зөвлөлийн нарийн бичгийн дарга, ажлын хэсгийн ахлагч	Айвенхоу компанийн ерөнхийлөгч, хэсгийн гишүүн	Информ төвийн гүйцэтгэх захирал, ажлын хэсгийн гишүүн
Д.БАТБАЯР	А.МӨНХБАТ	Р.БАТПҮРЭВ
Огноо: 2007.4.23.	Огноо: 2007.4.12	Огноо: 2007.4.06.
Үндэсний татварын ерөнхий газрын дарга, ажлын хэсгийн гишүүн	Бороо гоулд компанийн дэд захирал, ажлын хэсгийн гишүүн	Монголын үндэсний үйлдвэрлэгчдийн холбооны тэргүүн, ажлын хэсгийн гишүүн
Л.ЗОРИГ	Д.САНДАГ	Н.ДАШЗЭВЭГ
Огноо: 2007.3.28	Огноо: 2007.4.10	Огноо: 2007.4.6.
Ашигт малтмал, газрын тосны хэрэг эрхлэх газрын дарга, ажлын хэсгийн гишүүн	Нүүрс асоциацийн тэргүүн, ажлын хэсгийн гишүүн	Байгаль хамгаалах ТББ-уудын тэргүүн, ажлын хэсгийн гишүүн
Л.БОЛД	Л.ДАВААЦЭДЭВ	Ж.БАТБОЛД
Огноо: 2007.3.28.	Огноо: 2007.4.10	Огноо:
Улсын мэргэжлийн		Мэргэшсэн нягтлан

хяналтын газрын дарга,
ажлын хэсгийн гишүүн

Д.БАТБААТАР

Огноо: 2007.4.10

бодогчдын институтын
ерөнхийлөгч, ажлын
хэсгийн гишүүн

Л.ДОНДОГ

Огноо: 2007.4.10.

- о о о -